

斗姥元君聖像



玄門禮斗科

清壇讚

琳琅振響 十方肅清 河海靜默  
山嶽含煙 萬靈鎮伏 招集群仙  
天無氛穢 地無妖塵 冥慧洞清  
大量玄玄

淨水讚

天泉一派流河海淵澄

指揮法界無垢塵

帝闕巍巍通傳奏清淨瑤壇

大聖清淨智海天尊大天尊

## 敕水文

竊以水者崑崙孕秀河漢流芳蓮花香  
裏波寒楊柳枝頭甘露洒遍蓬島三山  
對浥曹溪一帶長流鼓祥風而玉聚千  
江汎濫而良兌四瀆禹門春暖透千層  
北海秋風傳萬里蕩萬劫之昏濛永護  
一切之清淨去穢真言謹當奉誦七寶  
池中功德水河沙諸仙法運通我今灌  
洒誦真言能使會筵嚴潔淨

用劍指寫 天一生水

清清法水 日月光華

中藏北斗 內隱三台

神水洒穢 濁去清來

常清常淨大天尊

【淨天地解穢咒】

天地自然 穢氣分散 洞中玄虛  
晃朗太元 八方威神 使我自然  
靈寶符命 普告九天 乾羅怛那  
洞罡太玄 斬妖縛邪 度鬼萬千  
中山神咒 元始玉文 持誦一遍  
卻鬼延年 按行五嶽 八海知聞  
魔王束首 侍衛我軒 凶穢消散  
道炁常存 急急如律令

常清常淨大天尊

【三稱】

【淨心神咒】

跪【凡有括號者不用誦讀】

太上台星 應變無停 驅邪縛魅  
保命護身 智慧明淨 心神安寧  
三魂永久 魄無喪傾

【淨口神咒】

丹朱口神 吐穢除氛 舌神正倫  
通命養神 羅千齒神 卻邪衛真  
喉神虎賁 炁神引津 心神丹元  
令我通真 思神鍊液 道炁常存

【淨身神咒】

靈寶天尊 安慰身形 弟子魂魄  
五臟玄冥 青龍白虎 隊仗紛紜  
朱雀玄武 侍衛身形

【安土地咒】

元始安鎮 普告萬靈 嶽瀆真官  
土地祇靈 左社右稷 不得妄驚  
回向正道 內外澄清 各安方位  
備守壇庭 太上有命 搜捕邪精  
護法神王 保衛誦經 皈依大道  
元亨利貞

【淨天地解穢咒】

天地自然 穢氣分散 洞中玄虛  
晃朗太元 八方威神 使我自然  
靈寶符命 普告九天 乾羅怛那  
洞罡太玄 斬妖縛邪 度鬼萬千  
中山神咒 元始玉文 持誦一遍  
卻鬼延年 按行五嶽 八海知聞  
魔王束首 侍衛我軒 凶穢消散  
道炁常存 急急如律令

【祝香咒】

道由心學 心假香傳 香爇玉爐  
心存帝前 真靈下盼 仙旆臨軒  
弟子關告 逕達九天

【金光神咒】

天地玄宗 萬炁本根 廣修億劫  
證吾神通 三界內外 惟道獨尊  
體有金光 覆映我身 視之不見  
聽之不聞 包羅天地 養育群生  
受持萬遍 身有光明 三界侍衛  
五帝司迎 萬神朝禮 役使雷霆  
鬼妖喪胆 精怪亡形 內有霹靂  
雷神隱名 洞慧交徹 五氣騰騰  
金光速現 覆護真人

【五星神咒】

五星列曜 煥明五方 水星却災  
木德致昌 熒熒消禍 太白辟兵  
鎮星四據 家國利貞 名刊玉簡  
字錄帝房 乘飈散景 飛騰太空  
出入冥無 遊宴十方 五雲浮蓋  
招神攝風 役使萬靈 上衛仙翁

【開經偈】起

寂寂至無宗 虛峙劫仞阿  
豁落洞玄文 誰測此幽遐  
一入大乘路 孰計年劫多  
不生亦不滅 欲生因蓮花  
超凌三界途 慈心解世羅  
真人無上德 世世為仙家

【香天姥】

道字擁出香天姥一大慈悲放  
光明上二手印合妙香下二手  
願如相交吽啞啞吽唵嘛呢吽  
香獻慈尊御座傍惟願神恩欣  
納受我今稽首香供儀

【花天姥】

道字擁出花天姥一大慈悲放  
光明上二手印合妙花下二手  
願如相交吽啞啞吽唵嘛呢吽  
花獻慈尊御座傍惟願神恩欣  
納受我今稽首花供儀

【燈天姥】

道字擁出燈天姥一大慈悲放  
光明上二手印合妙燈下二手  
願如相交吽啞啞吽唵嘛呢吽  
燈獻慈尊御座傍惟願神恩欣  
納受我今稽首燈供儀

【水天姥】

道字擁出水天姥一大慈悲放  
光明上二手印合妙水下二手  
願如相交吽啞啞吽唵嘛呢吽  
水獻慈尊御座傍惟願神恩欣  
納受我今稽首水供儀

【果天姥】

道字擁出果天姥一大慈悲放  
光明上二手印合妙果下二手  
願如相交吽啞啞吽唵嘛呢吽  
果獻慈尊御座傍惟願神恩欣  
納受我今稽首果供儀

真心清靜道為宗

譬比中天水月同

淨掃浮云無點翳

一輪光滿太虛空

天尊德相難盡讚揚

今有【禮斗意文】披宣

伏望紫光金尊俯垂洞鑒

【禮斗意文】 主科

太上混元道德清靜真一不二法門嗣派全真  
演教叨承科範事【三清觀地址】三清觀眾  
弟子等誠惶誠恐稽首頓首俯伏百拜上言伏  
以周御北宸尊居萬彙圓明道姥相妙玄元佐  
以東極西樞各握璇璣玉衡之柄南司北斗分  
掌善惡賞罰之權禳災消祲全賴星辰呵護迎  
祥納福端資斗宿匡扶虔貢心香莊嚴頂禮上  
乞九曜長庚時加福祚下冀十方善信共脫災  
危躬率乾坤道侶善信謹

具香花齋果楮帛凡儀上奏 虛無自然至真

三寶龍漢祖劫周御國王天尊

聖德巨光天后圓明道姥元君

勾陳天皇大帝

星主紫微大帝

七元北斗星君

上清十一大曜星君

日宮太陽炎光星君

月府太陰素曜星君

羅猴炁孛四曜星君

三台華蓋星君  
二十八宿星君  
擎羊陀羅使者  
左輔右弼星君  
大奎天罡星君  
元辰祿馬星君  
當生本命星主  
內垣一切聖眾  
周天無量群真

本府本縣城隍社令住居土地井灶神祇竊  
念浩劫頻仍民生疾苦兵戈癘疫血染玄黃  
不籍經文曷消災難弟子等忝聞大道自應  
奉道而行謹於本年吉時吉日朝禮禮斗玄  
科全堂演陽數之精義祈神恩之護持同登  
壽域運轉鴻鈞伏望

萬星教主無極元皇中天紫微北極大帝

南極六司星君

北斗七垣星君

俯垂洞鑒

弟子等一心皈命爰將善信道侶姓名開  
列斗壇上叩慈階懇祈保安延壽弭劫運  
於無形賜福消愆登斯民於康樂淨掃妖  
魔永叨安泰謹意以聞

天運 年 月 日 有禮斗意文具

【太上玄靈北斗本命延生真經】

跪

爾時

太上老君以永壽元年。正月七日。在太清境上。太極宮中。觀見眾生。億劫漂沉。周迴生死。或居人道。生在中華。或生夷狄之中。或生蠻戎之內。或富或貴。或賤或貧。暫假因緣。墮於地獄。為無定故。罪業牽纏。魂繫陰司。受苦滿足。人道將違。生居畜獸之中。或生禽蟲之屬。轉乖

人道。難復人身。如此沉淪。不自知覺。  
為先世迷真之故。受此輪迴。乃以哀憫之  
心。分身教化。化身下降。至於蜀都。地  
神湧出。扶一玉局。而作高座。於是  
老君昇玉局座。授與天師北斗本命經訣。  
廣宣要法。普濟眾生。

是時

老君告天師曰。人身難得。中土難生。假  
使得生。正法難遇。多迷真道。多入邪宗。  
。多種罪根。多肆巧詐。多恣淫殺。多好  
群情。多縱貪嗔。多沉地獄。多失人身。  
如此等緣。眾生不悟。不知正道。迷惑者  
多。我今哀見此等眾生。故垂教法。為說  
良緣。令使知道。知身性命皆憑道生了。悟  
此因長生人道。種子不絕。世世為人。不  
生無道之鄉。不斷人之根本。更能心修正

道。漸入仙宗。永離輪迴。超昇成道。我  
故示汝妙法。令度天民。歸真知命。可以  
本命之日修齋設醮。啓祝北斗三官五帝。  
九府四司。薦福消災。奏章懇願。虔誠獻  
禮。種種香花。時新五果。隨世威儀。清  
靜壇宇。法天像地。或於觀宇。或在家庭。  
隨力建功。請行法事。功德深重。不可具  
陳。

念此

大聖北斗七元真君名號當得罪業消除。  
災衰洗蕩。福壽資命。善果臻身。凡有急  
難。可以焚香誦經。尅期安泰。於是說

大聖北斗解厄應驗曰

大聖北斗七元君。能解眾生三災厄

大聖北斗七元君。能解眾生四殺厄

大聖北斗七元君。能解眾生五行厄

大聖北斗七元君。能解眾生六害厄

大聖北斗七元君。能解眾生七傷厄  
大聖北斗七元君。能解眾生八難厄  
大聖北斗七元君。能解眾生九星厄  
大聖北斗七元君。能解眾生夫妻厄  
大聖北斗七元君。能解眾生男女厄  
大聖北斗七元君。能解眾生生產厄  
大聖北斗七元君。能解眾生復連厄  
大聖北斗七元君。能解眾生疫癘厄  
大聖北斗七元君。能解眾生疾病厄

大聖北斗七元君。能解眾生精邪厄  
大聖北斗七元君。能解眾生虎狼厄  
大聖北斗七元君。能解眾生蟲蛇厄  
大聖北斗七元君。能解眾生劫賊厄  
大聖北斗七元君。能解眾生枷棒厄  
大聖北斗七元君。能解眾生橫死厄  
大聖北斗七元君。能解眾生咒誓厄  
大聖北斗七元君。能解眾生天羅厄  
大聖北斗七元君。能解眾生地網厄

大聖北斗七元君。能解眾生刀兵厄  
大聖北斗七元君。能解眾生水火厄  
起

於。是。七。元。君。大。聖。善。通。靈。濟。度。諸。厄。難。  
超。出。苦。眾。生。若。有。急。告。者。持。誦。保。安。寧。  
盡。憑。生。百。福。咸。契。於。五。行。三。魂。得。安。健。  
邪。魅。不。能。侵。五。方。降。真。氣。萬。福。自。來。駢。  
長。生。超。八。難。皆。由。奉。七。星。生。生。身。自。在。  
世。世。保。神。清。善。似。光。中。影。應。如。谷。裡。聲。  
三。元。神。共。護。萬。聖。眼。同。靈。無。災。亦。無。障。  
永。保。道。心。寧。

。 跪

老君曰。北辰垂象。而眾星拱之。為造化之樞機。作人神之主宰。宣威三界。統御萬靈。判人間善惡之期。司陰府是非之目。五行共稟。七政同科。有迴死注生之功。有消災度厄之力。上至帝王。下及庶人。尊卑雖則殊途。命分俱無差別。凡夫在世。迷謬者多。不知身屬北斗。命由天府。有災有患。不知解謝之門。祈福祈生。莫曉皈依之路。致使魂神被繫。禍患來纏。或重病不痊。或邪妖尅害。連年困篤。累歲屯遭。塚訟懲呼。

先亡復連。或上天譴責。或下鬼訴誣。若有此危厄。如何解救。急須投告。

北斗醮謝真君。及轉真經。認本命真君。方獲安泰。以至康榮。更有深妙。不可盡述。

凡見

北斗真形。頂禮恭敬。

【代人拜斗用志心朝禮。自身拜斗用七星照命。】

【以下每句須先誦讀志心朝禮或七星照命】

志心朝禮

北斗第一天樞宮。陽明貪狼<sup>⊙</sup>太星君

志心朝禮

北斗第二天璇宮。陰精巨門<sup>⊙</sup>元星君

志心朝禮

北斗第三天機宮。真人祿存<sup>⊙</sup>貞星君

志心朝禮

北斗第四天權宮。 玄冥文曲（紐）星君

志心朝禮

北斗第五天衡宮。 丹元廉貞（罡）星君

志心朝禮

北斗第六闔陽宮。 北極武曲（紀）星君

志心朝禮

北斗第七瑤光宮。 天關破軍（關）星君

志心朝禮

北斗第八位洞明宮。外輔星君

志心朝禮

北斗第九位隱光宮。內弼星君

志心朝禮

上台虛精。開德星君 三台生我來

三台養我來。三台護我來。

志心朝禮

中台六淳。司空星君 三台生我來

三台養我來。三台護我來。

志心朝禮

下台曲生。司祿星君。三台生我來。

三台養我來。三台護我來。

如是真君名號。不可得聞。凡有見  
聞。能持念者。皆道心深重。宿有善  
緣。得聞持誦。其功德力。莫可稱量。  
若正信男女。值此真經。智慧性圓。  
道心開發。出群迷徑。入希夷門。

歸奉真宗。達生榮界。於三元八節。  
本命生辰。北斗下日。嚴置壇場。轉經  
齋醮。依儀行道。其福無邊。世世生  
生。不違真性。不入邪見。持經之人。  
常持誦七元真君所屬尊號。善功圓滿。  
亦降吉祥。即說

北斗咒曰

北斗九辰。中天大神。上朝金闕。下覆崑崙。  
調理綱紀。統制乾坤。大魁貪狼。巨門祿存。  
文曲廉貞。武曲破軍。高上玉皇。紫微帝君。  
大周天界。細入微塵。何災不滅。何福不臻。  
元皇正炁。來合我身。天罡所指。晝夜常輪。  
俗居小人。好道求靈。願見尊儀。永保長生。  
三台虛精。六淳曲生。生我養我。護我身形。  
【魁魍魎魎魎魎魎魎】尊帝君。急急如律令。

老君曰凡人性命五體。悉屬本命星官之所主掌。本命神將。本宿星官。常垂蔭祐。主持人命。使保天年。凡俗無知。終身不悟。夫本命真官。每歲六度。降在人間。降日為本命限期。有南陵使者三千人。北斗真君七千神將。本命真官降駕。眾真悉來擁護。可以消災懺罪。請福延生。隨力章醮。福德增崇。其有

本命限期將至。自身不知。不設齋醮。  
不修香火。此為輕生迷本。不貴人身。  
天司奪祿。減算除年。多致夭喪。迷誤  
之者。雖遇經訣。懷不信心。毀謗真文。  
如此之人。身謝之後。淪沒三塗。漂沉諸  
趣。永失人身。深可悲哀。自致斯苦。  
若本命之日。能修齋醮。善達天司。一  
世於本命限期。開轉真經。廣陳供養。

使三生常為男子身。富貴聰明。人中殊  
勝。其有生身果簿。雖在人中。貧窮下  
賤。縱知本命。無力修崇。能酌水獻花。  
冥心望北斗。稽首禮拜。念本命真君名  
號者。亦不虛過。本命限期。皆得延生  
注福。繫係人身。災厄蠲除。獲福無量。  
天師歡喜。踴躍作禮讚歎。難可得遇。  
無上法橋。

老君重告天師曰。世人罪福善惡。皆屬  
天師。懺罪消災。莫越修奉。遇本命生  
辰。告身中元辰驛馬。削落三災九厄。  
保現今眷屬安寧。凡有上士。於本命生  
辰。持此真文者。外伏魔精。內安真性。  
功霑水陸。善及存亡。悔過虔恭。漸登  
妙果。重立玄功。證虛無道。乃得聖智  
圓通。隱顯莫測。出有入無。逍遙雲際。

昇入金門。與聖合真。身超三界。永不  
輪轉。壽量無窮。快樂自在。凡有男女。  
於本命生辰。及諸齋日。清淨身心。焚  
香持此真文。自認北斗。本命所屬星君。  
隨心禱祝。善無不應。災罪消除。致感  
萬聖千真。俱來衛護。此文所在之處。  
千真敬禮。萬聖護持。魔鬼潛消。精靈  
伏匿。所有災殃。悉皆消滅。是名北斗。

本命延生經訣。乃修真之徑路。得道逍  
遙。皆因此經。證聖成真。皆因此經。  
出離生死。皆因此經。保護男女。皆因  
此經。保命延生。皆得自在。永為身寶。  
福壽可稱。保而敬之。非人勿示。老君  
說經將畢。龍鶴天仙來迎。還於玉京。  
是時天師。受得妙法。而作是言。誓願  
流行。以傳善士。若有男女。受持誦讀。

我當與十誠仙官。所在擁護。於是再拜  
老君而說讚曰 起

家有北斗經。  
。 本命降真靈。  
。

家有北斗經。  
。 宅舍得安寧。  
。

家有北斗經。  
。 父母保長生。  
。

家有北斗經。  
。 諸厭化為塵。  
。

家有北斗經。  
。 萬邪自歸正。  
。

家有北斗經。  
。 營業得稱情。  
。

家有北斗經。  
。 闔門自康健。  
。

家有北斗經。  
。 子孫保榮盛。  
。

家有北斗經。  
五路自通達。

家有北斗經。  
眾惡永消滅。

家有北斗經。  
六畜保興生。

家有北斗經。  
疾病得痊癒。

家有北斗經。  
財物不虛耗。

家有北斗經。  
橫事永不起。

家有北斗經。  
長保亨利貞。

跪

老君曰善哉善哉。汝可宣揚正教。  
福利無邊。普及眾生。永霑勝善。  
天師稽首禮謝。信受奉行。

## 斗姆小讚

巍巍大梵。雷祖皇王。

三頭八臂放祥光。救劫降禎祥。

一炷清香。回向法中王。

一炷清香。回向法中王。

【太上玄靈北斗本命延生真經】

【斗姥寶誥】 志心皈命禮

西天竺國。大智光中。真空妙相法王師。  
無上玄元天姥主。金光燦處。日月潛輝。  
寶杵旋時。鬼神失色。顯靈蹤於塵世。  
衛聖駕於閻浮。眾生有難若稱名。  
大士尋聲來救苦。大悲大願。大聖大慈。  
聖德巨光。

天后摩利支天大聖。圓明道姥元君

【讚】

起

中天大聖。七元星君。貪狼。巨門。  
祿存。星君。文曲。廉貞。武曲。破軍。  
輔弼免災。輔弼免災。

功曹土地。神之最靈。

昇天達地。出幽入冥。

為吾傳奏。不得留停。

有功之日。名書上清。

香花送。使者奏蒼穹。寶馬金鞍騰  
碧落。祥煙紫霧繞虛空。足下彩雲  
封。霞光捧。伏冀策神驄。上達三  
天諸御闕。次臨大梵斗姥宮。傳奏  
達丹衷。殷勤送。

加拿大溫哥華三清觀編印



加拿大溫哥華三清觀  
Sam Ching Taoist Society  
8180 - 8188 Champlain Crescent  
Vancouver B.C. Canada V5S 4S5